

湖北金石志

金石志十三

元

三角山資教禪增田記碑

佚

至元二十六年在新州

嘉慶志

興國路學教授應記碑

并正書在

興國州學

興國路學教授應記碑

額篆書

興國爲郡環抱皆水而魚湖之利爲大故曰富川曰富水而出江之口曰富池至元戊子余被命此來學舍既弊陋而學宮無公廨可居不得已而僦民屋去學宮頗遠朔望行香朋

友會文皆不便或曰學之東偏舊有明明德堂後易爲敎授
廳兵燹後瓦礫榛莽矣謀欲結數椽而窘於學計之不足及
考之簿籍舊學有魚湖之利久爲豪佃所據遂白之有司會
府官主之儒臺是之行省明斷之始得復業於是事力稍紓
乃度材庀工首修大成殿旣又修廊宇修講堂葺齋舍補祭
器勅學倉改立土地祠工役畢備然後剗荆棘築垣牆甃□
石構室屋泄事有廳退居有堂課子弟有塾介廳堂閒作勸
齋以款客庖湍廩廩略就次第暇日從容對遠山挹平湖前
有池蓮淨植後有窓竹陰森由是學官可以容膝士友可以
盍簪矣或有笑于列者曰子可謂勞矣國朝以三載考績期
及代且至奚必若是余曰不然一日必葺余之志也子毋謂
勞充而大之是尙有望於後之君子至元庚寅季冬旣望郡

文學掾陳松年記并書

按方輿紀要州西十里有長河亦曰富水源出通山縣白羊山流入州界

經州西七十里之三教山四十里之白關山諸山繇之水皆流入焉

水然皆瀝于長河而洩于富池湖東入大江水利考州境冬

市而下水流較寬以上則爲龍港在州西南七十里慈口港

在州西百里有慈口港在州西百三十里山繇諸水由此溢入

恆有蛟龍之患故西境之民防常切水經注江之右岸富水

注之是也州志州境諸湖得名者凡二十餘而富池海口漳源三湖前大

九宮山重建欽天瑞慶宮記碑

佚據松雪集錄入

九宮之山眞人居之其山之高去地且四十里殆與人煙絕多壽木靈草幽花上藥薈蔚藿薜蒙籠蔓延於其上清泠之泉噴薄飛流於其下蓋遊仙之別所而栖眞之福地也自眞人之居是山禱焉而雨暘時祈焉而年穀熟故宋人築宮而嚴事之其事則司業易公之記可考矣己未江上之役兵旣

解而宮毀於盜冲隱大師封君大本與其徒思復千古昔拾
瓦礫除葑莽度材鳩工作而新之廼作妙應之殿殿西南嚮
爲淵靜之居東爲方丈殿南爲天光之堂其上曰朝元之閣
開西龍神殿東爲藏室背南嚮閣之南爲仙游之殿又南爲
通明之殿殿西爲西廡廡西爲道院其東亦爲東廡廡之東
爲齋廚倉廩廡南爲天聲之樓縣大鐘於樓中樓東西面又
爲道院庭西東面爲朝真之館中庭爲虛皇之壇壇南爲碑
亭亭南爲三門門東爲化士之局西亦如之三門之南爲華
表其東西皆屬以周廊門南爲壺天之亭又南爲天上九宮
之門合數百間皆雄傑壯麗儼若清都縹緲靄深疑出塵境
雖仙靈之宅陰有相者亦不可謂非人力之極致也當封君
時則有若某某同其勞封君既老戴君繼之最後得法師羅

君希社稷某成其終由封君以來歷年三十更有道之士十數然後燬者復完廢者復興卑者崇之缺者增之百神之象祭酒之器養生之田鼓鐘幕帟供張之具視昔有加焉豈非難哉至元丁亥孟頫奉詔赴闕始識法師羅君於京師而又與余同邸舍居久之以記爲請辭不得乃敘其事而記之然余於此重有感焉使世之儒者不廢先儒之說以正誼明道爲心令議者不得以迂濶而非之則斯文當日新庠序當日興子衿之刺不作矣豈惟是哉使天下之人農工商賈皆不墜其先人之業各善其事則家日以益富生日以益厚安有壞家毀屋者哉余於此重有感焉故并書使刻之石後之人其尙思余言毋俾其成之難者敗於易也今天子崇信道德凡茲山之田皆已復其租矣衣食於山中者盍亦思庶人帥

子書第終歲勤動以供賦役而吾乃得優遊逍遙茹疏飲水
以自樂其道宜何以報帝力哉羅君方以道術受知聖明其
必有以也

在通山縣至元二十四年趙孟頫撰金石存佚考按方

南八十里廬八十里高四十里相傳普安王兄弟九人遊
難于此遂九宮而名一云山自下而上高峰九層故名又
云山來自南岳長沙九江廬阜九十九峰之數千巖萬壑
崎嶇盤折奇勝非一宋弘道清住此建欽天瑞慶宮于上
記言己未江上之役已未宋理宗同慶元年蒙古
憲宗九年呼必殺渡江圍鄂被臨江軍靖州時也

洗墨池三大字

有書柱
黃岡

洗墨池

子瞻故有洗墨池予判黃之二年梅川張子長人言墨池
就潭獨趙文敏手書三字猶存瓦礫中予聞大喜命輿人

移置東齋又三年爲康熙己酉始從坡里坊求墨池遺址得之於是釐以文石周以欄檻跨池爲橋翼橋爲亭而取文敏字揭之楣

宋學西
陂類案

黃州洗墨池蛙口食墨而黑其說見楚故池爲東坡遺蹟廢且久予判黃時重加疏鑿更建竹樓雪堂於池傍祀王蘇諸公合名曰宋賢祠

釣廊
偶筆

靈山院記

存正書
在江夏

靈山院記

額篆
書

靈山院比丘尼來雪溪上作禮曰了慧住持

下泐

之心遂矣

余辭之再三慧曰本院宋鄂國武穆

下泐

此說不屬之公則

將誰屬余見其志益勤請益專詢其

下勸

餘祖德信山主聞

之鄂州安撫使孟公璟覈得其實開祐乙巳始□其

下勸藏

殿門應丁卯了慧嗣續住持□□□壬午年

下勸主表率閭

境更相勸施助緣創立佛殿修

下勸

以爲祝聖壽之所也夫

昔靈山會上釋迦拈花迦葉微笑罔明神指如□□足起

下勸

如是傳如是受如是作如是□以佛度佛各有證曰故號

下勸

帝時其法始入中國以死生禍福因緣爲說使人篤信

傳之□人王法

下勸

未真得其傳者世蓋寡矣後達摩至梁

開基少林寺一時傾動天下王公□□鼓

下勸

人心見性成

道了悟真□頓達無爲所以燈燈續燄祖祖□□亘古至今

常

下勸

流通於人閒天上接引後世學徒登蓮臺到彼岸釋

教之傳至今而極其盛矣矧

下勸

鍊傳燈侶影授受師傳爲

住持以來行住坐臥之頃惟思闡振宗風故重□□字

下泐

之興非慧之力不能也故爲記其巔末勒之于石俾後來之人□所自云大德四年庚子八月中秋日廣平黃希慶撰

鄂州靈山院記黃希慶撰正書大德四年在江夏

湖北金石錄

襄陽路重修廟學記

未見據嘉慶志錄入

襄陽路重修廟學碑銘

并序

翰林學士朝請大夫知制誥同修國史姚燧撰

大中大夫襄陽路總管兼管本路諸軍奧魯總管管

內勸農事王良嗣書

資善大夫中書左丞行荆湖北道宣慰使史杠篆額

聖元爲制凡士其名而儒其服不糅之民而殊其籍惟責田

租商徵自外身庸戶調無有所與者將百年於此矣世祖詔
卽闕里聚孔顏孟三族置官而教之以俟其成德達才者垂
三紀焉是皆無聞歷古而獨見之今者也陛下繼聖恢前皇
之遠猶舉厥未修之典封衍聖公屢下明詔還正貢莊學田
俾完廟養老資庠師生其於世聖人之胄學聖人之徒覆毓
漸涵德澤至矣府州縣邑爲之牧守令長者率以作新廟學
爲政務先而恐風行聖化之後也襄陽宋之鄧城也金社旣
墟當歸吾元由於忽棄不成故宋竊築爲荆北門殆四十年
世祖徵兵天下不忍微利一旦以鬪吾民包漢峴而城之視
猶虎圈待其自弊五年迺下則其受大兵也爲最久城門鬪
矣廟學前火鬪帥武臣因陋就簡而爲之不稱神居勢宜改
爲田之在郊籍旣失存民亦廢耕主吏去之無有知其在所

不敢視江南他州之有夙儲者其施力又若甚艱此前政所以苟於其事者惟總管陳衍經度之已而受更今總管陳義謀之吏民曰明詔如是吾方權輿表田募民覲利何時使是學媿德他州則二千石爲不職且受譴矣不厭爲之就緒無日吏此者割若俸戶此者捐若財應者謹然辭出若一帥守兵家亦勸赴功猶不足用取餘公帑治之二年聖哲中殿賢儒旁序門堂齋庖楹礎林立朔望春秋皆奠薦講肄邊豆鐘鼓有踐與節人之戾止新視易聽起所墮習而祇畏矣燧嘗過之拜其下庭猶有可憾焉者自唐開元配食顏子拔曾子於諸子以足十哲前宋則躋孟子與顏子並雖經百年未之或改後宋則益以曾子子思進子張於曾子之舊故江之南位十哲上亞聖人者四焉宋平北方學者安顏孟而異曾思

閩憲首請黜之當國之臣不然之也其後一侯爲憲河南是時襄陽未入山南猶其所治也不請而遂黜之由是廟配止顏孟自今以觀顏曾之於夫子同見而知伯魚前死則子思亦見而知者惟孟子後百有餘歲爲聞而知子思學會子孟子學子思而得其道統之傳則曾思之功果不優於孟子乎顏氏前死有聖人者存未嘗爲書質之於經事十九見質夫子者幾一問仁與爲邦二焉一以修己一以治人他皆見稱於夫子與不待問而自謂之者也曾子述孝經大學子思作中庸孟子則自著七篇之書學者賴之至今爲書三子二子獨見黜是外其師而弟子是尊於聞而知者仍祀不變而顧後所見而知者焉皆不知爲何說也或曰子記汴學已譏立顏路曾皙伯魚於序而坐三子堂上今何云然燧曰嚮所疑

者以崇子而抑父弗安順於倫理非曰可併去之也今江之南已配享者可不請而黜之則江之北有功曾思者可不請而配享乎熒故嘗曰人臣有見列而上之則可若制度考文之事天子司之以宰國家追於稽古之事雜天下學禮之臣羣然議之必得所當議者而後可也侯塽石求銘奉議大夫山南北道肅政廉訪副使馬公煦分刺是郡亦以侯嘗勸心宜若可言熒曰嗚乎是豈可易而爲乎哉孟子稱智足以知聖人者宰我子貢有若子貢有若則以爲自生民以來未有宰我則以爲賢於堯舜遠猶未曉言聖人之所由以然孔子語堯曰蕩蕩乎民無能名焉則遠賢堯舜者益難名矣然自孔子沒訖漢之世將八百年廟焉而不碑其見之金石者孝桓元嘉許魯相瑛置百石吏領禮器與孝靈元興魯相晨

奏依社稷出穀王家共禮祀一詔魏曹植始碑之唐則作廟之州必碑最盛以眾就其善言者韓愈氏處州柳宗元柳州處州曰自天子至於郡邑通祀遍天下惟社稷與孔子又曰仲尼之道與王化遠邇二帝三王無以侔大不敢一言以贊其道無他蓋聖人之道大也善言者繪工也於山川鳥獸草木之爲物與人執事或可圖而肖之以語繪天設色而得其彷彿萬一者古今人無能爲者也故惟著其始媮而今完者以告夫後之人銘曰維襄形勢始終一地視時屯亨而爲險易昔焉盡守負而江山勦天下兵五稔悖頑時匪無學士日介胄以扞天刑遑事俎豆皇輿旣逸江南海涯願爲土中襟帶安施猶爲名城于漢之域惟廟弊軋不堪瞻視帝奮文教誕告優優于學須材如稷仰稷是邦承流其陳兩侯衍也經

盡義成其績桓新宮實教所基嗟哉襄士佻達何爲聖人
遺言具在方冊口誦心維奚異親炙朝趨斯庭夕休斯廬亦
奚以閒闕里卽居行見接武賓興成德作之君師實帝之力
刻詩麗牲用示無極

馬案右碑首行題襄陽路重修廟學碑銘并序第二行翰
林學士朝請大夫知制誥同修國史姚燧撰第三行大中
大夫襄陽路總管兼管本路諸軍奧魯總管內勸農事王
良嗣書第四行資善大夫中書左丞行荆湖北道宣慰使
史杠額文後銘銘八十字二十句後題大德六年二月旣
望襄陽路總管府題控案牘程將仕佐郎襄陽路總管府
知事李徵事郎襄陽路總管府經歷張承務郎襄陽路總
管府推官任承務郎襄陽路總管府判官郝武略將軍同

知襄陽路□管府事管領元來人匠勾當懷遠人將軍襄陽路總管府達魯花赤兼本路諸軍奧魯總管府達魯花赤兼內勘農事以上所列之官有姓無名者五又有官無姓名者二案元史傳姚燧字端甫諡曰文至元七年始爲秦王府文學未幾授奉議大夫至大元年除承旨學士尋拜太子少傅辭不受明年授榮祿大夫翰林學士承知制誥兼修國史四年告歸尋卒諡曰文今碑大德六年稱翰林學士朝奉大夫知制誥同修國史史失書

湖北金石詩注

按記中所譏後皆改正嘉靖九年於大成殿後另立一堂祀啓聖王以顏路曾皙伯魚孟孫氏配無崇子抑父之嫌矣雍正元年封先師五代王爵改稱崇聖祠其大成殿配位東則顏淵子思西則曾子孟子如元豐咸道之制東西

序則自咸豐三年以子張升足十哲外康熙五十一年升
朱子於西序之次乾隆三年升有子於東序之次并詳今
制於後以補記中所未及焉

金石存
佚考

重建崇臨萬壽禪寺記

存正書
在隨州

大元隨州大洪山崇臨萬壽禪寺了菴明禪師重建寺記碑
應奉翰林又字將仕左郎同知制誥兼國史院編修
官鄧文原撰

翰林待制朝列大夫同修國史賈汝舟書

海範國慧大師傳天臺智者教講經沙門僧儀篆額
大覺能仁以慈忍精進利己利物而遊人閒世以戒定慧訓
諸門徒正心誠意而行其道故時愈久而愈彰益誣而益信

自漢至今建幢樹剎幾遍寰宇天秘名山雲藏福地必假至人而啓發之蓋由正報既勝則所依之處詎宜狹劣哉茲山之興唐元和間慈忍靈濟大師傳馬祖心印下五頂峰符隨止洪住之識休息于此民依福善深感其德奉以精舍山由是而名焉漢東之國隨爲大環隨皆山以大洪爲宗大師之神異地之形勝寺之沿革與夫甲乙十方之論見於吾盡居士之言龔羅兵燬化樓殿於灰礫山回嘉運必假人而興焉重開山第一代了菴卓禪師諱宗明江東上饒柳氏子志慕空寂依蘄州多雲山廣化寺師事長老文仙薙髮受具進以善業一朝慕道先哲飄然振遊方之口至漢東卓菴於靈濟故址披荆榛而倡猿猱晏如也屬歲大旱一方之民拾橡而食請禱於師師愍羣望以禪定力默起池龍雨亦隨至滂沛

沾溉歲大有秋數年之閒民歌屢豐實師之惠也議營棟宇
答師之休由是雜然而趨樂然而會治基之穢壘礪之崩未
幾昔之所化者今復存矣翼翼飛甍渠渠夏屋巍然如七金
山照映林谷雄偉壯麗聳動視瞻至於別飭吹香銅魚喚粥
檀施絡繹而供給焉至元二十五年春知隨州傅君安國原
師之德偕其徒宗才至京師謁大司徒白興寺之由獲覲天
顏封誦大般若經頒降聖旨護持勵興修之志師於元貞元
年六月二十七日泊然而逝度徒弟五百餘人今住持宗上
乃徒眾之上首志堅行潔服勤眾務大司徒秉人鑑之○謂
能紹其緒績者必斯人也文○宣政院頒降聖旨凡修葺護
持師之未了者宗上悉能了之壇場雲堂阿羅漢閣期於大
備而後已吁豈天地萬物乘除於數而存諸其人耶抑山川

之靈思革其故而謀其新邪不可得而知也昔靈濟以道存
其誠斥龍濟早致茲利之興今復以禱雨利民而興茲利歷
時雖遠皆出於深惠願力勤苦詣行然後成視昔世之豪家
富宅畫棟朱檐咄嗟可辦至於勢去時乖蕩無遺礫欲類吾
浮屠氏更廢而迭興者幾希蓋由願力與勢力不侔耳故系
之以辭辭曰

至人不作

作必有則

立教垂範

惟一真實

以真實故

集其大成

正法眼藏

愈久愈明

震旦之區

寶坊星布

像設尊嚴

大張治具

隨之西南

山口大洪

盤基百里

俯視漢東

昔靈濟師

發軔於茲

中罹兵革

廢而後治

後數百年

了菴出焉

卓菴付龍

豐雨沛然

境民蒙福

乃構禪棲

美奐美輪

雲繞璇題

紺殿耽□

萬象悉納

翼以修廊

冠冕羣剎

緊大司徒

法門砥柱

以大願力

相吾鐘鼓

冉冉緇□

朝經暮禪

克昌道運

永壽堯天

龍蟄于山

豐凶所寄

□□帝力

爲民之利

洪山崇崇

湖水溶溶

磨石紀功

與山始終

□□大德九年乙巳中秋日

縣尉賈世賢主簿常裕從□□隨縣兼勸農事郝從義兼隨縣兼勸農事

奉訓大夫隨州知州兼勸農事張克恭奉直大夫隨州達魯花赤兼勸農帖木兒不花

昭信校尉安陸府管軍千戶傅天英

承務郎前隨州知州郭義重

開山功德主明威將軍前隨州知州傅安國

外護功德主光祿大夫大司徒兼領將作院使西方八小口阿你哥
當山嗣祖住持慈雲口口覆大師宗上立石

馬案右碑題大元隨州大洪山崇開萬壽禪寺了菴明禪
師重建寺記二十二字爲一行又應奉翰林文字將仕左
郎同知制誥兼國史院編修官鄧文原撰爲一行又翰林
待制朝列大夫同修國史賈汝舟書爲一行又海範口慧
大師傳天台智者教講經沙門僧義篆額爲一行額已失
文後繫銘銘後題大德九年乙巳中秋日九字爲一行又
題縣尉賈世賢主簿常琇從口口隨縣尹兼勸農事郝從
義敦武校尉隨縣達魯花赤兼勸農事忽魯納爲一行又
題奉議大夫隨州知州兼勸農事張口秦奉直大夫隨州
達魯花赤兼勸農事帖木兒不花爲一行又題昭信校尉

安陸府管軍千戶傅天英爲一行又題承務郎前隨州知
州郭義□爲一行又題重開山功德主明威將軍前隨州
知州傅安國爲一行又題外護功德主光祿大夫司徒兼
領將作院使西方八十國阿你哥爲一行又末二行一行
書募緣徒弟□宗□石匠胡覺富等一行書當山嗣祖住
持慧慈雲□復大師宗上立石在隨州大洪山碑云了菴
禪師諱宗明江東上饒柳氏子依蘄州多雲山廣化寺長
老文仙薙髮至漢東卓錫于靈濟故址時值大旱請禱於
師師以禪定力默啓池龍雨亦隨至是歲大有秋數年來
民歌屢豐實師之惠云云

湖北金石詩注

加聖號詔碑

存正書在興國州

大元加號孔子聖詔

額篆

上天眷命皇帝聖旨蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纂承丕緒敬仰休風循治古之良規舉追封之盛典加號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄名言之妙尙資聖化祥我皇元主者施行

大德十一年七月

馬案右碑正書字徑一寸額篆大元二字並行下篆勅封孔子之詔六字無書人姓名在襄陽府學大成殿丹墀西向南按元史武宗於大德十一年五月卽位十二月丁巳

始詔改明年爲至大元年此旨出於七月是以仍稱大德

十一年也

湖北金石詩注

洪山寺塔記

存十三段正書在江夏

岳州巴陵縣呂仙亭土橋生長寓船居武昌花藥門河岸信士黃彥文偕室中陳氏妙道家眷等謹施中統寶鈔貳千貫文入寺建塔此世來生福足慧足者大德十一年五月初九日山門謹題

洪山寺黃彥文等造塔記正書大德十一年五月湖北江

夏

寰宇訪碑錄

武昌路大洪山崇寧萬壽禪寺伏承本路錄事司南城右隅花藥門隄上居住奉佛信士程應雷同室楊氏二孺人同男

程朝瑞家眷等喜舍中統寶鈔壹阡貫文入于本寺命工匠
結砌諸佛舍利靈濟寶塔乞保家屋清吉百事如意者□大
德十一年五月□吉日□謹題宣授住持建塔玉崖釋□□
普潤□□立石

洪山寺程應雷等造塔記正書大德十一年五月湖北江

夏寶宇訪
碑錄

黃州黃岡縣慕義鄉姜家洲居黃蘗光六等郡水陸都主會
悟慧真人汪覺龍同室劉氏妙堅先次舍塔一層後爲摧毀
今重建再施中統鈔壹阡二百五拾貫文入於本寺助緣所
集殊勛仰報佛恩世世生生佛慧增崇者大德十一年五月
日山門謹題

洪山寺汪覺龍等造塔題記正書大德十一年五月湖北

江夏

寰宇訪碑錄

蘄州小西門通義坊居水陸者主會忍辱真人曹天麟家眷等至元二十六年八月施中統鈔五千貫入寺建塔爲摧毀今重建再施中統鈔二千五百貫所哀殊善仰報洪恩此世來生福足慧足者大德十一年六月二十四日山門謹題

宇訪碑錄未載此刻

武昌路江夏縣伏龍橋西蓮社弟子陳覺富同室嚴氏妙悟家眷等與佛有因緣遇佛牙舍利瑞應寒廬一門慶幸伏觀洪山建塔舍入永鎮乾坤人天瞻仰釋教緣遠萬古長新覺富等世世生生親承佛會者丁未大德十一年九月山門謹題

洪山寺陳覺富等建塔記正書大德十一年九月湖北江

夏

寰宇訪
碑錄

四聖無相庵住持智福施中統鈔叁百貫文入寺燒造磚瓦
添助重建寶塔用度願智福世生生福足慧足大德十一
年十月□□日山門題

洪山寺僧智福建塔記正書大德十一年十月湖北江夏
寰宇訪
碑錄

洪山寺伏承武昌南城右隅長街好禮坊居奉佛信女賀氏
二娘法名道慶同男戴鏗家眷等伏爲夫主戴公了菴居士
存日發心喜舍中統鈔一千五百貫入于本寺添造舍利塔
不期戴公了菴居士幻質告終所哀殊善乞伸超度仍冀家
門清吉長幼康寧世世生生常親佛會者至大元年五月日
謹題

洪山信女賀氏等造塔記正書至大元年五月湖北江夏

寰宇訪碑錄

山門伏承武昌路錄事司南城掃門堤上街居奉佛信士張日新同妻吳氏妙慧喜舍至元鈔壹百貫文入寺添造靈濟寶塔所祈家眷清吉長幼康寧四序三元常逢吉慶者至大元年六月□日題

按寰宇訪碑錄未載此刻

山門伏承武昌路江夏縣城南河街居信女石氏妙修發心喜舍中統鈔壹百伍拾貫文所祈福慧者又伏承城南外關信士孔王子清同室周氏淑善發心喜舍中統鈔叁百貫助建寶塔所祈福足慧足者延祐元年九月□□日□□題

宇訪碑錄未載此刻

山門伏承武昌路江夏縣踏白橋居女善人□□妙全發心

嘉施中統鈔口百五十貫文入于大洪山禪口口爲添助諸
佛舍利靈濟寶塔用度所冀此世他口口足慧足常親佛會
者延祐元年十月日題

洪山寺妙全造塔記正書延祐元年十月湖北江夏寰宇錄

作頭張國可昨自覽到洪山寺諸佛舍利靈濟寶塔一座計
七層自下至上登砌結蓋一總完全二六時中仰荷佛祖龍
天護佑始終清泰無魔私無報德遂舍力蓋覆第二層以報
洪庥默願國可世世生生常親佛會者延祐二年十月山門
題

洪山寺張國可造塔記正書延祐二年十月湖北江夏寰宇錄

山門伏承武昌路南城長街奸禮坊左隅居奉佛信士劉文英同母親潘氏妙壽喜舍中統鈔伍百貫文入于大洪山禪寺添助諸佛舍利靈濟寶塔用度所冀世生生常親佛會福足慧足者延祐二年十月

日

按寰宇訪碑錄未載此刻

至元二年

曾喜

田仲寶

人

按此刻新搜出殘泐已極略辨數字而已

馬案右江夏洪山寺塔記石刻八事在第三層四面牆上外向俱方九寸五六分皆記造塔時施舍人姓氏及鈔貫數目內大德十一年石刻五至大元年一延祐元二兩年二按中統寶鈔以貫計者曰一貫文二貫文記中所載舍

中統鈔有至二千貫者殆一貫文也又至元十二年添造釐鈔至大二年復造銀鈔皇慶初廢銀鈔詔以至元中統並行而當時施財造塔者並只用中統鈔豈至元鈔不利民用雖朝廷之令有不行邪再記中所載各人里居曰踏白橋者在今治南七里曰伏龍橋西蓮社者在今中和門內曰花藥門好禮坊者今不可考

湖北金石詩注

洪山寺塔里俗相傳以爲唐鄂公尉遲敬德建至形諸篇什陳大章洪山四詠亦沿其說予向疑其誤以爲寺建於宋末不應唐初先有是塔也得塔記足以證明矣

金石存佚考

玉泉寺鐘

存正書陽文在當陽

荆門玉泉在襄漢爲大精舍山水佳勝乃陳隋智者顓禪師

遺跡之地後唱教於天台二浙終焉佛隴而龜護惟謹關公
雲長生爲忠臣後封王神廟食茲山感師之德以威力夜按
霆雨憾山隴撤龜鎗移定身而歸瘞玉泉異哉公以宿願
力而護法如長城宜壯節猛烈雄偉卓千古垂之國史而英
風丕泯也逮聖元更化長老藏山珍公開展舊規崇構堂殿
作興佛事今住持霞壁瑄公襲領其院事能辨肯心悉治之
以完惟鍾舊無聲□□□化士寶鏡遠暮潭湘醴陵魯山
巡檢文公率勸信人鑄就清圓而韻遠舟運而歸蓋□發人
之深省也而與□□者爲福幽滯者爲解脫詎可范乎之銘
曰

聚鉄之精

鎔液而成

晨昏考擊

震霆吼鯨

霜天迎響

遍荆楚城

深發夢省

蟠螭是驚

玉泉之勝

盤振之清

祝天子壽

如日方昇

江西大仰山禪寺住持□陵撰

昭明武靈威顯

壯穆義勇武安英濟王

開山智者大師

𠄎

𠄎

蔑

𠄎

烘

𠄎

庵

𠄎

麻

𠄎

祊

三

寶

證

明

天

龍

洞

鑑

馬案右鐘高五尺九寸闊一丈二尺在當陽縣玉泉寺住

山霞壁瑄公命寺僧寶鏡遠募潭湘醴陵間鑄就舟載而歸鐘凡四面界爲二層上層有序有銘及僧眾法名又有咒二句共六字並音釋下層列荆門當官吏等及主緣施財各檀越籍貫姓氏款則至大元年四月佛生日謹題另

一面列楊氏洪張氏施舍銀牌銀釵三行因鐘紐斷缺今置於大殿簷前院之東首地上校王楚博古圖薛尙功鐘鼎款識諸書載三代鐘尺寸高不過一尺又案爾雅釋器大鐘謂之鐻今高四五尺者概謂之鐘矣

湖北金石詩注校今搨本只

東山報恩萬壽寺鐘

存荊門州

荆門州東山報恩萬壽禪寺住持長老紹阡謹抽衣資命匠

鑄造鴻鐘一口重六千餘斤永鎮山門利益幽顯所冀皇圖鞏固帝道遐昌佛日增輝法輪大轉時太歲戊申至大元年八月中秋日題

馬案右鐘題荆門州東山報恩萬壽禪寺住持長老紹阡謹抽衣資命匠鑄造鴻鐘一口重六千餘斤永鎮山門利益幽顯所冀皇圖鞏固帝道遐昌佛日增輝法輪大轉時太歲戊申至大元年八月中秋日題七十五字又題玉泉山景德禪寺住持長老師瑄助緣寶鈔貳百伍拾兩二十二字其餘戟頭首知寺監造等僧名及鑄匠里居姓名等字鐘紐有斷痕髮皆可過懸之不墜因羣稱爲過髮鐘寺遭兵燹移置於城內因妙觀扣之無音棄諸牆角乾隆甲戌知州舒成龍重修官署頭門建造新樓覺鐘不得諸生

以此鐘告命工拭洗以火煨之則聲韻洪遠遂昇置樓上

見州志

按東山寺卽隋開皇十二年智者禪師所建天監寺

遺址久廢玉泉山在當陽縣西三十里景德寺卽宋天禧

五年遣翰林學士宋綬宋祁與僧道源等同修傳燈錄處

亦廢

湖北金石詩注

景德禪院田地界碑

未見

馬案右碑額正書玉泉景德禪寺常住田地界碑十二字

碑詳載狀告寺內田土被佔呈驗宋紹興二十一年古蹟

碑文并印信公據及奉元仁宗準奏勘明給還本寺母許

隱佔各緣由又開載各莊田土逐段四至以古埋石爲界

云云題元皇慶二年歲次癸丑季冬月頭鈔錄俱正書共

五十五行字徑五分上半截尙可辨識下半截全無字蹟
矣刊於名公題石碑之背面事不相涉非碑陰例也

湖北金石

詩注

名公題石碑

有正書
有當陽

皇慶改元壬子歲春孟玉泉當代住山佛光慧日普照永福
大師鍾山長老捧鎮山壽亭侯印龍眉虎角繪寫寺圖赴宣
政院蒙開府儀同三司上柱國太尉平章政事會福院使宣
政院使安普口公導趨鳳闕口覲龍顏捧一瓣香祝萬年壽
親聆天語顧問丁圖宣賜金杯甘露馬乳奏降御寶聖旨護
持住山謝恩而歸爾時姑蘇雪巖堂上止巖禪師同在京師
賦詩餞別錦還荆楚榮播江吳遠近禪門次韻贊慶繼而荆

門太守奉直杜公州判忠翊李公洎諸名儒賡和盈軸通泉
懶翁先生妙語題跋增重禪林寶□藏拙西□獲覩盛事歡
欣踴躍亦曾續貂邇者

下有闕文

當陽達魯花赤那懷忠翊

勸□立石□□原起斐□直述□于□云癸丑歲皇慶二年
夏月旣望當山首座比丘□住建康能仁禪寺古源寶□謹
題

詩餞玉泉堂上鍾山老師止巖中行頓首詩曰京師相送錦
還人紅綠交加桃李春兩袖香風雜玉殿一杯馬乳面金輪
清山船覆烟花遠寒寺珠□波影新我亦離家逾歲月贈君
折柳倍傷神

聞雲巖于人前舉□□師送行八句就和韻以寄玉泉鑄長
老常州路華藏住持山門叟□□詩曰振吾宗者必師人寒

谷之中一□春舌本泠泠傾玉漚
習襟皎皎□冰輪風生萬壑
栢常翠雪霽孤村梅正新
雁過楚天無可寄說無說處且
留神

江陵護國住山玉田慧林詩曰大華□海作霖人□賞京華
富貴春紅葉階前□□□紫薇□□□輪玉泉銀地祥光
□□□龍□盛事新□□春亭千古印歸來還與主山神
以上
第一層

奉直大夫

下有闕文

勸農事杜

下有闕文

詩云歲裏欣逢入

覲人□□梅蔭正□春九重天上□□履五色□□面目輪
□□宸詩□渥異重班奎□龍□新□□□□□快□□
應知□□神

上有闕文

詩曰大法從來付哲人一花冰雪□陽春□宗自

喜明心印召對何須換□輪朝野聲名今益重□□門戶再
更新親栽百萬松杉栢長□成林屬地神

忠翊校尉當陽縣達魯花赤勸農事□□詩曰一鳴聲價便
驚人翰□叢林□□春日月明□陳祖意風雲會□□輪
鵷班競說晏華秀鳳閣重膺御墨新衣染天香榮畫錦溪山
泉石□精神

江陵承天住山

下有闕文

詩曰祖師銀地再來人

下闕

荆門玉泉關將軍廟中有壽亭侯一鈕其上大環徑四寸
下連四環皆系於印上相傳云紹興中洞庭漁者得之入
於潭府以爲關雲長封漢壽亭侯此其故物也故以歸之
廟中

詳見司馬知白玉
泉壽亭侯印記

南雄守黃兌見臨川興聖院僧惠

通印圖形爲作記而復州寶相院又以建炎二年因伐木

於三門大樹下土中深四尺餘得此印其環并背俱有文
云漢建安二十年壽亭侯印今藏於左藏庫邵州守黃沃
叔啓慶元二年復買一鈕於郡人張氏其文正同只欠五
系環耳予以謂皆非真漢物且漢壽乃亭名旣以封雲長
不應去漢字又其大比他漢印幾倍之間嘉興王仲言亦
有其一侯印一而已安得有四雲長以四年受封當卽刻
印不應在二十年尤非也是特後人爲之以奉廟祭其數
必多其流落人間者尙如此也予爲黃叔啓作辨跋一篇

見贅藁

容齋
四事

馬案右碑額篆名公題品四字下分四層俱以雲邊爲界
第一行題皇慶改元壬子歲春孟玉泉當代住山佛光慧
日普照永福大師鍾山長老捧鎮山壽亭侯印龍眉龍角

繪寫寺圖赴宣政院蒙開府儀同三司上柱國太尉平章
政事會福院使宣政院使安普□公導趨鳳闕□覲龍顏
捧□瓣香祝萬年壽親聆天語顧問丁圖宣賜金盃甘露
馬乳奏降御寶聖旨護持住山謝恩而歸爾時姑蘇雪巖
堂上止巖禪師同在京師賦詩餞別錦還荆楚榮播江吳
遠近禪門次韻贊慶繼而荆門太守奉直杜公州判忠翊
李公洎諸名儒廣和盈軸通泉嬾翁先生妙語題跋增重
叢林寶□藏拙西□獲覩盛事歡喜踊躍亦曾□貂邇者
下缺當陽達魯花赤那懷忠翊公勸□立石□□原起斐
□直述□于□云癸丑歲皇慶二年良月既望當山首座
比丘□住建康能仁禪寺古源寶□謹題又題云詩餞玉
泉堂上鐘山老師上巖中行頓首詩曰京師相送錦還人

紅綠交加桃李春兩袖香風離玉殿一杯馬乳面金輪青
山船覆烟光遠寒寺珠□波影新我亦離家逾歲月贈君
折柳倍傷神七律一首又題聞雲巖於人前舉□□師送
行八句就和韻以寄玉泉鍾山鑄長老常州路華藏住持
山明叟□□詩曰振吾宗者必斯人寒谷之中一□春舌
本冷冷傾玉漚胸襟皎皎□冰輪風生萬壑柏常在雪霽
孤村梅正新雁過楚天無可寄說無說處且留神又題江
陵護國住山玉田慧林詩曰大華□海作霖人□賞京華
富貴春紅藥階前□□紫微□□□輪玉泉銀地祥
光□□龍□盛事新□□春亭千古印歸來還與主山
神第二層題奉直大夫下缺勸農事杜下缺詩曰歲裏欣
逢入覲人□□梅夢正□春九重天上□□履五色□□

面目輪□□宸詩□渥異重頒奎□寵□新□□□□
□快□□應知□□神又題字莫辨詩曰大法從來付哲
人一花冰雲□陽春□宗自喜明心印召對何煩換□輪
朝野聲名今益重□□門戶再更新親裁百萬松杉栢長
□成林屬地神又題忠翊校尉當陽縣達魯花赤勸農事
□□詩曰一鳴聲價便驚人翰□叢林□□春日月明□
陳祖意風雲會□□□輪鷄班競說曇華秀鳳閣重膺御
筆新衣染天香榮畫錦溪山泉石□精神又題江陵承天
住山下缺詩曰祖師銀地再來人以下字多剝落不能成
句三四兩層更殘缺矣湖北金石詩注

鐵井闌銘

存正書陽
文在江夏

義井

武昌南城長街於至大辛亥仲冬眾○○軍民取用□爲
便利勝可言哉皇慶癸丑季秋再□井闌 其事○故記
歲月以□不朽者云耳

施主名

中統鈔伍拾兩

下模欄不可辨

馬案右義井欄在江夏城內長街路西東向元皇慶癸丑
冶鐵成之高一尺七寸五分上口徑三尺二寸五分下口
徑四尺一二分欄上義井二大字徑九寸三分其右武昌
城南云云四十字十行行六字惟三八兩行五字行中有
空眼一空眼四面皆具義井字之左有小字三行不辨字
左又殘缺一片約去欄三分之一當必有文與小字相屬

者甚可惜也是欄經始於至大四年成於皇慶二年迄今

癸丑凡四百八十一年矣

湖北金石詩注

河東郡太夫人李氏墓碑

扶據雪樓集錄入

夫人京兆李氏金進士試長安令諱君寶之女皇贈正奉大夫護軍河東郡公諱伯德那之妻榮祿大夫平章政事商議中書省察罕之母元光壬午十有二月四日生至元戊子正月十有九日卒某月某日葬於孝感之白雲山平章任湖廣理問日買田宅於茲因葬焉至大庚戌某月追封河東郡太夫人皇慶癸丑九月以狀公文刻諸墓初長安君娶蔡氏生二女夫人居其中始元歲隨父官洛陽天兵南伐城陷家破軍帥重合刺一見大驚曰此女他日必貴問其姓曰李而帥

之妻西夏主之後也亦李氏乃鞠之如己子重合刺者諸王
旭烈之愛將也時河東公以班勒訖歸命數從征戰有功
重合刺同於解後以不肯代重合刺爲總管重合刺賢之以
夫人歸焉因家解夫人躬節儉慎喪祭和上下正內外不動
聲色而教被嫺族河東公亦未老而謝事優游鄉井終其天
年號爲善人長者人謂有警戒相成之道焉有子八人長平
章也博洽經史才德過人早爲忠宣公與魯赤所知拔置幕
上累遷爲湖廣行省理問改行樞密院經歷解官讀書白雲
山俄爲武昌治中河南行省郎中入僉詹事院事進昭文館
大學士太子府正拜參知政事尋以平章政事議中書事廉
愼廣厚所至稱賢次博羅蚤世次博樂察兒敦盛校尉百夫
長次博羅蘭堂湖廣行省宣使次博除太谷令次只兒瓦台

武略將軍寶慶路達魯花赤次朵羅台性至孝樂志琴冊高尚不仕朝廷爲旌其門次乃蠻台敦武校尉邵陽縣達魯花赤子孫曾元七十餘人皆足世其家嗚呼讓其德之至乎河東一讓夫人以歸遂基百世盛大之業夫人固詩禮之冑應也其有功於河東宜哉銘曰

讓爲德基化由內始河東秉儀公族繼起藹藹夫人婉婉令儀蘭閨其芬玉韞其輝

河東郡太夫人李氏墓碑程鉅夫撰皇慶二年碑久佚按元史察罕傳暮年居德安白雲山別墅以白雲自號嘗入見帝望見曰白雲先生來也鉅夫嘗有送白雲平章序又有白雲山詩八首並見本集白雲山在孝感縣東北一百

二十里

金石存
佚考

大天一眞慶萬壽宮碑

宋見掘金石
符侯考補入

皇慶元年春三月京師不雨徧走羣望詔武當道士張守清
禱雨而雨明年春不雨禱而雨又禱又雨既霽既渥仍大有
秋兩宮大悅初均房之閒有山曰太和又曰仙室以國武神
居之名武當踞地八百里峯七十有二最高者紫霄之峯峯
之最勝者曰南巖崖前有洞天二曰太安皇巖天顯定極風
天上出浮雲下臨絕澗猿啼鳥嘯豺虎所家人可投足者僅
尋丈許道家言龍漢之年虛危之精降而爲人修道此山道
成乘龍天飛是爲國武之神至唐貞觀益顯天下尊祀宋理
宗詔道士劉真人住南巖宮不克漢東異人魯大有隱居是
山草衣菲食四十餘年救災捍患預知禍福時人神之天兵

破襄漢去渡河訪道全真西絕汧隴北踰陰山至元十二年
歸與道士汪真常等修復五龍紫霄壇宇獨結茅南巖或請
作宮庭曰非爾所及也其人將至矣二十一年秋九月師自
陝西來年三十有一願爲弟子大宥欣然曰吾遲子久矣卽
授道要明年春正月大宥先法師躬執耕鑿墾山鑿谷種粟
爲食繼率其徒翦檜騎驢烏獸通道東自山趾紆口七十里
至紫霄宮五里至南巖崖北下三十里五龍宮又四十里抵
山趾蒿口三月三日相傳神始降之辰士女會者數萬金帛
之施雲委川赴乃構虛夷峻拔木窮谷刊石窮巖卽巖爲宮
廣殿大廷高堂飛閣庖庫寮次旣嚴且備炫晃丹碧轆轤雲
漢像設端偉鐘鼓壯亮引以石逕蔭以杉松積工累資巨萬
計厯二十餘載乃成墾田數百頃養眾萬指至大元年今上

皇帝儀天興聖慈仁昭懿壽元皇太后聞師道行遣使命建
金錄醮徵赴闕及禱雨輒應賜宮額天一真慶萬壽宮置提
點甲乙住持制加神父號啓隆慶天君明真大帝神母號
慈寧王德天后瓊真二仙賜師號體妙應太和真人延祐
改元春二月大司徒臣羅原奉皇太后旨命師乘騎奉香幣
還山致祭冬十月集賢大學士臣陳灝請加賜宮額大天一
真慶萬壽宮竊惟聖天子端源清之本躬垂拱之化父天母
地懷柔百神陶我萬類子育羣姓宵衣旰食可謂至德也已
師以雲棲遐舉之侶而能振道濯德焦心苦志奮樹堂壇以
承天庥亦可謂豪傑之士矣師闢疏果毅方嚴質茂雖大祠
祭不待沐浴更衣所感雖身被顯寵如始居山其有道者邪
若神之德廣大混沌變化無方謂列宿所鍾詎不信然臣鉅

夫謹拜手稽首而獻詩曰翼軫之墟均房閒白雲峩峩武當
山根盤千里阻且艱七十二峯羅煙鬟帝遣_回武驅神姦披
髮仗劍衣懸璽穹廔修蛇猛且閒乘雲而來御風還跛子望
之杳莫攀真人學道鐫堅頑飛上千仞誅榛菅斡旋天機啓
天關瓊樓珠宮翠迴環霞披霧映黃金鑲湛恩大兮帝所頒
神來居之珮珊珊寒松蕭颺水潺湲飛香滿空馥惠蘭願神
永永哀民艱汎埽穢濁無恫痍我皇萬歲御九寰興聖怡愉
長朱顏

大天一眞慶萬壽宮碑程鉅夫撰延祐元年十月在武當

山金石存
佚攷

重修武安靈溪堰記碑

未見據金石
存攷考錄入

重修武安靈溪堰記

襄陽路儒學教授何文淵譔文

武安靈溪等堰提領趙世禎書丹

襄陽等處水陸地產人戶提領丁思明篆額

堰以武安靈溪名尚矣考其地皆故中廬縣界始秦將武安君白起攻楚斷鄢水灌城拔之郢後改曰夷水晉避桓溫父彝嫌名改曰蠻水迄今稱烏堰因其故竭則長渠之源也溉田三千頃唐大歷四年己酉節度使梁崇義嘗修之仍建祠宇宋至和二年乙未宜城令孫永理渠之壞基俾復其舊爲民約束時其蓄洩南豐曾鞏知襄州遂定著令且爲之記紹熙改元庚戌都統率公圖祐十二年辛亥荆湖制置李曾伯兩命屯田官葺而完之靈溪之爲堰首受清涼河下通於木

渠卽古之木里溝也灌田六千頃渠始開於楚漢南郡太守
王寵又鑿之宋治平四年乙巳宜城令朱紘圖熙十二年總
領蔡戡等凡兩潯治具載貞珉二渠之爲利廣矣宋李后妝
奩田在是我朝至元十年癸酉旣平襄漢又六年戊寅舊屯
田官劉漢英其屬丁思明劉興黃漢臣等建議圖而上之東
抵江漢北亦如之南際安陸荆門界西則南漳白羅涓溪也
有命作恆業于大護國仁王寺以爲隆福宮焚修之資官以
提領歲課所入之租大德三年己亥改營田提舉司逮六年
壬申中政院同僉李英奉旨出內府金募民修築斬伐竹木
藥裡土石立隄防障橫潰完崩缺淪壅閼心計手授略無圖
暇是以不數月而告成若神明有以陰相之者所謂鍤雲渠
雨之謠亦無愧德於鄭國也時爲使之貳則有大都民匠總

管公台含山縣尹井居仁任簿書之責則有院掾高奎贊佐其役則有襄陽總管王良嗣提控案牘鄭謙監營田也里都目蕭興祖奔走供億則有提領王從龍張明義秦文彬等凡其徒則前提領丁思明也至大庚戌夏六月大水堰復決官爲葺理延祐改元甲寅文淵來守襄漢越四年丁巳春二月提舉趙琦偕都目王章吏黃白榮蕭恭來曰兩堰之修厥緒甚茂乃吾元之勝事苟不紀之以至落莫無聞我輩實任其責子司文衡者敢不屬筆至再至三而愈篤謹按志書褒之西南諸堰獨武安靈溪爲大跡其始所作戰國之書距今一千七百五十餘年其閒起廢更新爲利國便民之舉而所可知者纔數人爾其不可知而同草木湮腐者夥矣何則漢召信臣杜詩相繼爲南陽開通溝瀆以廣灌溉修治陂池以拓

土田民遂有父母之稱厥後征南將軍杜預鎮襄陽修召之
故蹟引潢清以浸田萬頃眾庶賴之亦號杜母且召之故蹟
在南陽者預猶爲之矧茲二渠適屬襄土反無其功邪嗚呼
史籍無傳則亦已矣後之涖是職者不墜李侯之功而踵父
母之稱於召杜者豈無其人哉既以所聞而第之識其歲月
仍系以銘焉銘曰惟水於田利實至大蓄泄以時人力是賴
武安之功墾陂作埭瀏瀏長渠發源斯在伊溪而靈湜湜其
派木里載通龍興靡礙宋收益田以灌以溉襄樊既平歸我
昭代爲祝釐資塵清國泰矯矯李侯辨而能裁出內府金不
視功載木石卽工脉溝絡滄井井塍塍萬頃其界輸租於公
民亦大賚伐石勒銘俾永無壞

武安靈溪二堰記何淵撰趙世禎正書延祐四年湖北襄

陽
實字訪
碑錄

馬案右碑連額高六尺五寸寬二尺九寸題重修武安靈
溪堰記提領趙世順書丹前襄陽等處水陸地產人戶提
領丁思明篆額書重修武安靈溪堰記八篆字文後系銘
三十句句四字又題延祐四年十一月日立末後書官階
姓名案武安堰卽管子固所記長渠之源水出荆山康狼
山之閒左傳所稱鄆水水經注曰夷水晉改曰蠻水者是
也堰始於秦自起故稱武安靈溪堰首受清涼河水通木
渠二堰溉田將萬頃蓋楚北水利之大者大德六年中政
院同僉李英奉旨出內府金修築迄延祐四年文淵乃爲
之記其載一時官職頗詳考元史至元八年立護國仁王
寺鎮遏提舉司卽記所云作恆業於仁王寺爲隆福宮焚

修之資官以提領歲課所入之租者也史稱至元十九年改鎮遏提舉司爲鎮遏所又改諸邑人提領所後改爲仁王營膳司今記云大德三年改營田提舉司則知元史失載此制也又至大中陞都總管府爲會福院置院使五員掌仁王寺及昭應宮事天_圖後改爲會福總管府定置達魯花赤一員總管一員同知一員治中一員府判一員經歷知事提控案牘各一員今記所載經歷一人提控案牘一人與史制同其同知二人與史制同知府判各一員者異又有僉事提舉都目之類皆史文所無蓋史僅據天_圖以後之制延祐中亦僅載院使而不及其屬得此記足以補元代會福院官秩矣今以各銜各具列於左以備參證

中政院同僉李英 大都民匠總管乞台 含山縣尹

井居仁 院掾高奎贊 襄陽總管王良嗣 提控案牘

鄭謙 兼營田也里 都目蕭興祖 提領王從龍 張

明義 秦文彬 右大德 武德將軍僉會福院事李彥

中憲大夫僉會福院事余洪 大中大夫同知會福院事

李伯顏察兒 武德將軍同知會福院事塔海 資善大

夫會福院使洪溥 資善大夫會福院使堯吉刺德 資

政大夫會福院使忽馬兒不花 銀青榮祿大夫司徒會

福院使革真吃刺思 金紫光祿大夫徽政使章慶使中

都威衛使領隆禧院殊祥院草牧監甄用監事提調左都

威衛使司事會福院使識烈門 將仕佐郎會福院照磨

管勾發口架閣事卞君瑞 將仕佐郎會福院都事張恕

承直郎會福院都事王克諧 從仕郎會福院經歷張

榮祖 敦武校尉會福院判官魏珍 武略將軍會福院

判官章寶 司吏劉榮祖 張嗣壽 張復 柯瑄 徐

文彬 呂宏仁 許紹達 黃伯榮 蕭恭 李世榮

閻益 庾應詳 典史符宗信 李守德 都目王翬

提控案牘陳行琇 襄陽等處營田副提調趙琦 提領

廩李榮 副提領史楨 同提領劉從明 武安靈溪等

堰提領趙世禎 監造碑襄陽管民提領丁陞 監修堰

前本司都目洪甫 南漳縣地產提領郝道寧 黃州路

緇梓萬安泰鐫

右延福湖北金石詩注

碑在南漳縣東六十五里方家堰消溪志作瀟溪在縣北

三里至清泥灣開口入蠻河白羅志云未詳考縣西北有

白駱河源出縣北三十里之栢香岳南流至縣西入蠻河

白駱疑卽所謂白羅音近之訛也

金石存佚者

碑云宋李后妝奩田不見於史按后爲襄陽都統制李道仲女所謂妝奩當由於此大護國仁王寺者至元七年世祖皇后宏吉刺氏所建內設總管府外置提舉司提領所詳見虞集所撰本寺恆產碑寺在大都西直門外一里高

梁河

湖北金石錄

石塔記

佚

石塔記延祐五年在武昌縣北六十里碧石渡

嘉慶志

武昌路重建廟學記

在江夏

在江夏

武昌路重建廟學記

額篆

武昌墉山而城塹江而池挾漢益引荆吳據楚中而履南越
宋人二百年閒峙煥鍛兵炭爲邊壘帝元一四海而家之池
也不足乎深城也不足乎高恤刑尙德武弛文張民日趨於
禮樂之域而不知爲之者建侯樹屏表疆明制乃此焉行中
書省而統四道宣慰使元將大吏咸走節下聽約束奉期會
然則武昌自爲重鎮矣凡夫表厲化導之具宜有以倡庶方
而屬羣目獨廟學陋小不稱司憲者□□□□□□責
功郡守振紀有嚴營畫是亟禮殿東廡西廡戟門儀門齋廬
爲屋五十餘間端大堅緻丹碧藻繪象設筵帟皆視儀度尊
豆鐘磬不爽典祀惟講堂經閣諸室不剏而葺歲丁巳五月
肇基越己未十有二月告成學後曰鵠山書堂者廢而入於

豪奪微剽歸公方議勒石記始而除者得龜趺於埋中別置
省碑于日南明善適參政行省兩府來相與言曰眾心一公
奏厥完美期奉天明思勸民職而已惟是彰今而垂後者咸
願有口謬嘗上直翰林曷可哂乎雅命然記事必載其實興
學者當原其本禮始立學釋奠奠先聖先師學之有廟漢以
還始聞也孔子先聖顏子先師唐以來始定也繇學尊廟因
廟表學廟焉而不敦大學非制也謂報焉枉是抑微也天以
之而道明地以之而理察人以之而立極三才既奠萬化乃
成推功絜德天地實參斯報之圖罔極何從聖朝龍奮北天
弓劍辟國願乃首尊孔氏旌用儒生列聖錫禮崇祀加諡增
秩若稽典則炤陳政化揭科比士登賢建官不有望於聖道
贊化天下乎夫道不立遽以爲高不空寂以爲深大則充周

乎萬物小則流行乎一身法制謹嚴經權周密蓋不越易詩
春秋之外矣亦不離綱常事爲之閒矣若夫盡學士之上達
極聖賢之能事顧非指顧可會文辭可判而君子也而賢者
也不諄諄與德言曰君子德非徒德才言曰君子才非徒才
道明義立智周行方其用而出也細不遺而鉅有措其舍而
處也近者化而遠者格爲良臣爲大人爲節士爲真儒非由
外假端枉我爾無師而興固曰豪傑受業而成孰爲凡民美
哉簪裳入學肅瞻新廟斯弦斯誦相規相誨匪匪然嚴嚴焉
本學者養正以成聖功末學者游藝以獻春官乃骯髒乃譁
張聲焉無所入也惜焉善距來也穹屋華題資爾燕閒德求
而無以徵之才求而無以齊之哀哉匪但退作室之初心無
乃孤崇儒之明詔乎武昌南服列城言言百辟承風多士砥

節或挾能而起或抱璞而潛聲光侈其不過吾爾惡焉矣雖然山川流峙風氣融結瑞而歸於鳳麟寶不期於金璧偉人魁士羣出而爲國家之屏之翰也將自今日督其役者列名碑陰延祐七年歲次庚申春三月十有九日戊戌通奉大夫湖廣等處行中書省參知政事元明善撰文并書

翰林學士承旨榮祿大夫知制誥兼修國史劉廣篆額

馬案右碑題武昌路重修廟學記碑高七尺寬五尺六寸共四十一行行四十一字字徑一寸五分行書後題延祐七年歲次庚申三月十九日□□通奉大夫湖廣等□□書省參政缺翰林學士承旨榮祿大夫知制誥兼修國史劉廣篆額題武昌路重建廟學記八篆字爲二行無撰書人姓名當時督其役者並列名碑陰今在武昌府學戟

門西

武昌路重修廟學記正書延佑七年湖北武昌

寰宇記碑錄

碑在武昌府學戟門內凡二十一行行五十字碑下截九字陷土中今掘出而文始具

金石存佚考

景德寺鐘

存正書陽文在當陽

荆門州當陽縣玉泉景德禪寺鍾銘荆門玉泉在襄漢爲大精舍山水佳勝乃陳隋智者顓禪師遺跡之地後唱教於天台二浙終爲佛隴而龜護惟謹關公雲長生爲忠臣後封王神廟食茲山感師之德以威力夜 霆雨憾 山隴撤龜鑰移定身而歸瘞玉泉異哉公以宿願力而護法如長城宜壯節猛烈雄偉卓之千古垂之國史而英風下泯也逮聖元更

化長老藏山珍公開展舊規崇構堂殿作與佛事今住持鍾
山廣鑄製領其院事能辨肯心悉治之以完惟舊鍾無聲遂
范命袁州路萍鄉州文□伯陶冶成就清圓韻遠舟遲而歸
非唯發人之深省而興□滯者爲解脫詎可量平爲之銘曰
聚鉄之精 鎔液而成 晨昏考擊 震霆吼鯨

霜天迤響

徧荆楚城

深發夢省

蟠螭是驚

玉泉之勝

聲振之清

祝天子壽

如日方昇

與聖萬壽禪寺住持虛谷撰當代住持長老鍾山廣鑄題延
祐七年歲次庚申十月日

馬案右荆門州當陽縣玉泉景德寺鐘高圍尺寸與前至
大元年鐘同係鍾山長老廣鑄近募遠鑄舟遲而歸鐘亦
分四面亦界上下兩層其序文與銘亦與前鐘同餘列各

施財姓氏盡當陽縣居民末行題延祐七年歲次庚申十

月日十一字而已鐘紐亦斷並置於地

湖北金石詩注

魏國忠懿公神道碑

杆正書
在襄陽

大元勅封口政大夫湖廣等處行中書省左丞贈推誠宣力
功臣光祿大夫中書平章事柱國魏忠懿公碑

中奉大夫參議中書省事臣元明善奉勅撰

翰林學士承旨榮祿大夫知制誥兼修國史臣趙孟頫
奉勅書兼篆額

章佩少監赫赫由宿衛拜官天子嘉之侍臣奏曰赫赫之父
易不刺金官至平章政事大父阿里罕官至中書左丞曾大
父札馬刺罕官至大名路達魯花赤□□□官□□□

□□□□□□□□贈推忠協公佐理功臣太保金紫光祿

大夫上柱國追封魏國公諡忠惠左丞贈推誠宣力功臣光祿大夫中書平章政事柱國追封魏國公諡忠懿達魯花赤贈順節功臣資德大夫中書左丞上護軍追封魏國諡安順母阿木剌□祖母兀魯阿迷失榮古乃蠻□氏完顏氏并封魏國夫人曾祖母□□□氏封魏□夫人□□□□□赫赤之三世加爵諡墓神道常有石刻請下詞臣

下有闕文曰

忠懿碑可命元明善爲之文臣謹按忠懿公小字阿剌罕西域□□□人也爲其國望

下有闕文

太祖皇帝佩之金虎符

爲大名路總管府達魯花赤達魯花赤者夏言□□也惠愛在民丁未歲□□葬焉夫人卒於戊申歲安順公三子公居其次中統□年□□爲大名路達魯花赤至元四年改□□

路總管府事階朝請大夫九年改□知太原路總管府□十年遷少中大夫佩□□襄陽路總管□達魯花赤□□元□□年遷嘉議大夫寶慶路達魯花赤十五年遷中奉大夫湖南道宣慰使十六年改廣南西道宣慰使二十年改福建道宣慰使二十四年改河東□西□宣慰使二十五年□□□道宣慰使廿七年遷四川行尙書省參知政事不赴二十九年遷資善大夫江西行中書左丞大德改元改湖廣行中書省左丞進階資□未任以疾薨實是年□□也子□□護柩葬襄陽城西萬山之原從民懷也春秋五十有九公娶乃蠻氏□□五年卒再娶完顏氏大名宦族至元十四年□三娶□晃□□曰趙氏□氏□□□忠惠公完顏夫人出也次曰烏馬兒朝□大夫監桃源州事趙氏出次

曰□班□西行臺監察御史□一女子皆□□□□□□
□□非□□公機警疏朗有□□才在大名□□渠漲魏人
苦之疏水道嚴隄防□□人受其利在襄陽五年□□新附
禁戢兵士通商撫農□饑濟□民□□□在寶慶□羗周龍
兵起□□□殃不及民討占城討交趾□□□皆嘗供億
軍興立而集事凡所臨蒞咸有能稱當□□爲名臣云忠惠
公爲侍郎爲憲□□官宰相□爲賢□□□識大□者必□
□□□懿公可稱有子者矣少監甫出二十而孤尙賢樂善
履身正立成其父之不逮其所至止蓋未可量臣奉勅爲之
銘銘曰漢通西域才不漢用元帝萬國寸才是送不挾詩書
亦歸聖統聖統煌煌卿士俊良士氣以昌帝國以長維忠懿
公克奮於庸趨事赴功南北西東無倡不隨無引不從秉我

公忠濟之和同而無聲儼安爾髦童官五十年十有四遷一日其賢罔或怨言反葬吉兆襄陽之垌豐碑揭豎對峴之前着舊追□靡不涕漣猗羊叔子千古比肩忠惠又相大業端亮伊國之毗伊民之望宛其□歸善人□喪司封□勅三世追飾詞臣奉詔爾文與曜十祀其聞山有肖孫

至治元年仲冬吉日建

荊州尙德孫 薛礪鐫字

魏國忠懿阿剌罕碑元明善撰文趙孟頫正書無年月湖北

襄陽

寰宇訪碑錄

馬案右忠懿碑在襄陽縣元元明善撰文趙孟頫書正書碑云莽莽之父易不賴金官至平章政事大父阿里罕官至中書左丞與金史合會大父札馬剌罕太保金紫光祿大夫上柱國莽莽三世俱追封魏國公莽莽仕元爲大名

路總管府達魯花赤太祖佩之金虎符至元十年爲襄陽
路總管達魯花赤廿七年遷四川行尙書省參知政事大
德元年改湖廣行中書省左丞未任以疾薨在襄五年禁
戢兵士通商撫農民受其利稱爲名臣明善奉勅爲銘云
云元史不爲立傳此亦可以補其缺矣是碑在襄陽縣乾
隆丙子丁丑間曾於西城民家得之碑仆臥土中篆額碎
裂文字殘闕尙少知府陳鏐修府志時錄其文於志中茲
奉檄訪求則此碑爲村農所毀滅矣

湖北金石詩注

趙孟頫松雪齋集有章佩丞黑黑封贈三代制

碑作赫赫曾祖

父曰札馬刺丁追封魏國公祖父曰阿里罕祖母兀魯溫
迷失氏完顏氏父曰亦不剌金母阿术刺氏卽此碑所載
世系也府志言碑在城西民家園地中額已碎裂字多缺

損欲移置而未果惜哉

金石存
攷考

劉公橋記

在正書在
興國州

興國州志

須錄
書

承務郎興國路永興縣尹兼勸農事張智題蓋

靜江路儒學教授九江旌門范士奇撰并書

富川縣於隋於唐緣太平興國而興國郡於宋水本多川本
富以富川望三縣不得抗水多故也襟江帶湖派接湘楚翠
屏六溪之支流弗與春夏水積怒漲驚瀾渺瀾苞山截道勢
浮天極常以坡仙宿石田驛數語傾動今古地亦從是而勝
劉公子善爲此邦名家以書抵予曰山川風景子概其諗諸

迺若歲罹大浸驛途康莊莽爲一壑行人病涉往往倚檐胥
咨對面如隔剛丹隘無汎汎其逝之憂非惟馳驛之難而已
吾與景顏羣從如杜固城南延祐庚申開常序耄艾展墓聯
翩與偕而經其涂不知幾何年黃岡橋歷焉石摧柱腐廢興
固有時涂九軌自非人力莫致因在行者而語其叢吾二家
之力成此以濟人可不可時則景顏輩矢義勇發譴然一詞
罔有訾議越明年秋杪復拈舊話惟允差穀經畫迺命浮屠
賢董其役棄故基數弓擇地堅壇改泐黠畚雲趨各策其力
依山結構氣勢百倍捍隄以石築集無虞功邁石鼉夷庚無
畱行又足以證大蘇題驛之芳踪爲近落成於至治壬戌之
春鄉人利其便羣然請易名劉公橋子爲我記之予曰古以
橋而繫姓者多矣崔公得延壽而著史何公遇子瞻而勒銘

風聲氣烈照映天壤然皆持節褰帷宅民之生顯於當代今
公家介弟從子用素封捐貲而躋百世之盛美其迨有過於
崔何也非邪由是而之使過斯橋者睹其名撫其迹裴徊徙
倚紆懷劉公之德而歌舞之子孫孫子又能以精神志氣承
之於不朽纏綿人心山長水遠是自然之福力也視區區驅
馬題柱之流於公不足回首一歎識者必感於斯文至治二
年五月日記

馬案右碑題劉公橋記四字額篆同第二行承務郎興國
路永興縣尹兼勸農事張智題蓋第三行靜江路儒學教
授九江旌門范士奇撰并書末行至治二年五月日記在
興國州東八十里碑云舊名黃岡橋石摧柱腐行人病涉
劉公子善爲此邦名家矢義勇發獨力興修創始於延祐

庚申落成於至治壬戌之春鄉人利其便羣然而請易名
劉公橋云云昔之橋而繫以姓者如崔公橋得延壽而著
史何公橋遇子瞻而助銘今劉公名亦不朽矣

湖北金石詩注

五腦山至治題名

見本

五腦山至治題名至治二年在麻城縣

嘉慶通志

乾明寺鐘銘

行正書陽文在天門

大元國荆湖北道沔陽府景陵縣東禪乾明寺伏覩本寺乃
古跡機峯住岑峯剡草重興古來祝聖道塏圖可興崇而悠
久累次住持興建續燄規模秋山兩次繼席大殿鼎新重建
經今二載順寂圓終覺菴推舉再興隆致疏從心而敦請無

聞創意特地承崇能遊講肆緣會家山紹隆佛種修崇梵宇
兩廊重新鼎建終始竭力圓成寶所蓮開鐘鼓常規晨昏撞
叩增延福慧四年九有出輪迴八難三塗登彼岸由是謹袖
常住資金同募檀那力助鑄成三千法器永鎮景邑精藍鐘
聲擊處大闢宗風玉轉珠迴震旦韻響共成殊盛事恩報福
無窮復爲銘曰

佛日增光圓音元影法界羣育幽暝沈寢水族靈源達無生
忍伏此鐘聲一聞頓省歲次癸亥至治三年季冬吉日無
聞題

馬案右元乾明寺鐘凡四面一面題大元國荆湖北道沔
陽府景陵縣東禪乾明寺爲一行又云伏觀本寺乃古跡
機峯住岑峯剗草重興古來視聖道塲宣可興崇而悠久

累次住持興建續燄規模□山兩次繼席大殿鼎新重建
經今二載順寂圓終覺□推舉再興隆致疏從心而敦請
無間創意特地承崇罷遊講肄緣會家山紹隆佛種脩崇
梵宇兩廊重新鼎建終始竭力圓成寶所遵開鐘鼓常規
晨昏撞叩增延福慧四生九有出輪迴入難三塗登彼岸
曰是謹袖常住資金同募檀那力助鑄成三千法器永鎮
景邑精藍鐘聲處大闢宗風玉轉珠迴震旦韻響共成殊
勝事恩報福無窮復爲銘曰佛日增光圓音元影法界羣
盲幽冥沈寢水族靈源達無生忍仗此鐘聲一聞頓省未
行題歲次癸亥至治三年季冬日無間題案文內岑當是
止今二字誤連爲一又廣韻埭道也集韻埭同場祭神道
也今通作場用其三面列景陵縣眾姓里居姓氏及本寺

常住田土坐落四至又諸出長老僧名未後列景陵縣達
魯花赤縣尹主簿典史等官名姓氏在今天門縣城東乾

明寺內

湖北金石詩注

金石志十三